

Toi Puoro Te Kaupae 1

Te Tautuhinga Aromatawai ā-Waho 2025



Te Paerewa Paetae	92091
Te Ingoa o te Paerewa Paetae	Te whakamahi i ngā āhuatanga toi puoro kia puta ai he mahinga toi
Ngā whiwhinga	E 4
Te Marau	Te Marautanga o Aotearoa: Toi Puoro
Te Wāhanga Ako	Tukutuku Ako
Te Tukanga Aromatawai ā-Waho	He Kete Manarua
Te Momo Tāpaetanga ā-Matihiko	He konae tuhituhi – .PDF (5–20 whārangī) He kiriata – .mp4 .avi .mov .m4v (5GB)
Te Rā tuku Aromatawai ā-Waho	Te 29 o Oketopa, 2025
Te Wātaka Aromatawai ā-Waho	Examination timetable and assessment dates 2025

Te Whakatakotoranga Aromatawai

E rua ngā wāhanga o te aromatawai nei. Ko tā te ākonga, he rangahau i te orokohanga mai o tētahi tauira puoro.

1. Ka whakaatu māramatanga ki ngā āhuatanga o ngā huānga puoro i roto i tētahi tauira puoro.
2. Ka waihanga, ka whakaahua hoki i te mārama ki te hanumitanga o ngā huānga toi puoro.

Ko ngā whakautu a te ākonga ka whakaatu i ūnā whakaaro e ai ki ūnā māramatanga ki ngā huānga toi puoro, ki:

- ngā taonga puoro,
- te reo,
- ngā kupu,
- te raupapa,
- te tangiata,
- te rangi,
- te manawataki,
- te wairua,
- te tairongo, me ētahi atu anō hoki.

Ka mutu, ka whakamārama i te hononga o ngā huānga toi puoro ki tētahi tauira puoro nā te ākonga i kōwhiri, kātahi ka waihanga, ka tito rānei i tētahi tauira puoro, ka whakamārama hoki i te āhua o tā te ākonga whakamahi i ngā huānga toi puoro i roto i te tauira puoro.

Mā te ākonga e whiriwhiri te huarahi tuku i te aromatawai.

1. Kia neke atu i te 150 kupu te roa o te whakautu ā-tuhi mō te wāhanga tuatahi, ā, me nui ake i te whā huānga toi puoro ka whakamahia i roto i te titonga.
2. Kia neke atu i te 150 kupu rānei te roa o te whakamārama i ngā huānga toi puoro mō te wāhanga tuarua. Mehemea ka tukuna hei whakaaturanga, hei kiriata rānei, me neke atu i te rua meneti te roa.

Tēnā tirohia te Kete Manarua i te paetukutuku nei: [Kete Manarua](#).

E whakaatu ana te Kete Manarua i tētahi/ētahi tauira hei kōwhiringa mā te kaiako. Mā te kaiako tonu e whiriwhiri mēnā rānei ka whakamahia te/ngā tauira nei, ka whakamahia rānei he mahi whakaharatau, ka whakaritea rānei he Tūmahi Aromatawai anō.

Ngā Herenga Aromatawai

He mahi takitahi tēnei mahi me te whakatakoto taunakitanga mō te aromatawai ā-waho mā te ākonga.

Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te [Online Digital Submission Portal](#);
- me tika te whakaraupapatanga o ngā mahi;
- me tika te whakatakotoranga o ngā mahi (kia kaua e noho tītaha, e huripoki rānei);
- me tāmau te kiriata ki te tītohunga ata, otirā, kāore e whakaaetia ana te tukunga o te honongaitua i tōna kotahi.

[Using the new digital submission portal.](#)

Te Motuhēhē o ngā mahi o ngā ākonga

Me pēhea e mōhiotia ai te motuhēhē o ngā mahi a ngā ākonga? He tukanga, he taunakitanga me whai, e mōhiotia ai nā te ākonga ake āna mahi aromatawai. Kia mataara ngā ākonga, ngā kaiako me te whānau hoki o te kura ki te motuhēhē o ngā mahi a ngā ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākonga.

Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangī tohutoro i te whārangī whakamutunga o ngā mahi;
- He mihi ki ngā puna āwhina, ki ngā puna kōrero;
- Ngā momo puna awhina, puna kōrero rānei:

- » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
- » ngā pukapuka i whakaputaina;
- » ngā pukapuka kāore anō i whakaputaina;
- » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): Tāpaetanga pūnaha hou a NZQA.

Kāore te Kete Manarua matihiko e whakahokia ki te ākonga. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- īmērahia a assessment.service.centre@nzqa.govt.nz,
- waeahia rānei te NZQA Contact Centre i te 0800 687 296.